

# Рождество Христово

Припевы на 9 – й песни

к 1 – му канону:

1. Величай, душе моя, // Честнейшую и Славнейшую Горних воинств, Деву Пречистую, Богородицу.

**ирмос «Таинство странное...»**

2. Величай, душе моя, // от Девы Бога, плотию рождшагося.

3. Величай, душе моя, // в вертепе рождшагося Царя.

**тропарь канона**

4. Величай, душе моя, // от волхвов Бога покланяемого

5. Величай, душе моя, // от звезды волхвом Возвещенного.

**тропарь канона**

6. Величай, душе моя, // Чистую Деву и Едину Богородицу, рождшую Христа Царя.

7. Волсви и пастырие приидоша поклонитися Христу, // рождшемуся во Вифлееме граде.

**тропарь канона**

ко 2 – му канону:

8. Днесь Дева раждает Владыку // внутрь вертепа.

9. Днесь Владыка рождается, яко Младенец, // от Матере Девы.

10. Днесь пастырие видят Спаса, пеленами обвита, // и лежаща во яслех.

11. Днесь Владыка рубищем пеленается, неосязанный, // яко Младенец.

12. Днесь всяка тварь веселится и радуется, // яко Христос родися от Девы Отроковицы.

**тропарь канона**

13. Небесныя силы рождшагося Спаса Господа и Владыку // возвещают миру.

**вместо «Слава»:**

14. Величай, душе моя, // Триипостаснаго и Нераздельнаго Божества державу.

**вместо «И ныне»:**

15. Величай, душе моя, // Избавльшую нас от клятвы.

**тропарь канона**